

百靈衆真交會在此香火爐前當願罪苦獨
消慶源增衍傾心受度即膺饋鯉之祥蒙道
順生允獲弄璋之慶一門被澤四海需榮次
願十方仙童玉女接待蘭烟傳臣向來所啓
之誠速達徑御

至真無極大道

昊天玉皇上帝 御前

出堂頌 出戶

道門科範大全集卷之二十六

道門科範大全集卷之二十七

祈嗣大醮儀

臨午行道

法事陞壇如式

各禮師存念如法

宣衛靈呪

丹靈朱火炎霞激風赤輪剛運天光八衝
迸威包羅交變萬方流金豁落羣魔滅蹤
辟奸破妖明耀元功金符召制躡雲策龍
謠歌慶會散花六空神化宜運四極安隆
伏御帝前固有不恭和與道合真

鳴法鼓二十四通

無上三天玄元始三炁太上道君太上老君
召出巨身中三五功曹左右官使者左右捧
香驛龍騎吏侍香金童傳言散花玉女五帝
直符直日香官各三十六人出出者嚴裝顯
服冠帶垂纓關啓玄壇土地方域神真巨今
臨午行道謹奏為入意其諸忱悃已錄告聞
願得
太上十方至真道炁靈寶瑞光下降流入巨

身中令臣所啓速達徑御

太上無極大道

昊天玉皇上帝御前

請稱法位

具位臣某與臨壇官衆謹同誠上啓

虛无自然元始天尊玉晨大道靈寶天尊萬
天教主道德天尊昊天至尊玉皇上帝勾陳
星宮天皇大帝中天星主紫微北極大帝承
天效法后土皇地祇神霄真王長生大帝東
極注生青玄上帝九天應元雷聲普化天尊
九天雷祖大帝上清紫微碧玉宮太一天帝
六天洞淵大帝六波天上帝君九天好生可
韓司丈人天尊九天採訪應元保運真君九
天上帝三十二天上帝五老上帝東華木公
道君西靈金母元君日宮太陽帝君月府太
陰皇君五方五德星君二十八宿星君北斗
七元上道真君南斗六司上生真君五福十
神太一真君上清四餘四曜星君天曹諸司
真君三元三官大帝泰玄樞機三省諸相天
君玄中大法師真君三天大法師真君法主

四聖真君上清雷震院使真君雷震九司列職真君九天注生監生真君九天司祿梓潼帝君九天衛房聖母元君本靖諸省府院司經錄法部主宰真君三天門下三元真君上章詞表靈官五嶽聖帝洞天福地靖魔治化仙官本靖祖玄真師列位真人經籍度列位真人北陰鄧都大帝扶桑丹林大帝三河四瀆五湖四海龍王名山大川真宰九天金闕玉闕靈濟洪恩二位真君風雲雷雨部威烈聖眾城隍里社廟貌一切真靈臣聞主器莫若長子蓋有重於承傳天道常與善人惟密移於造化宛不言而善應隨有感以必通粵自神靈為之主宰在昔高禱請子必嚴郊外之祈堯帝多男亦假華封之祝况茲凡陋敢昧歸依當一意以告虔冀三元之道養欽哉

首上圩頂孔父有禱於尼丘駿極于天申甫降神於蒿嶽或元精之育固或昂宿之儲蕭邑姜夢帝則文在手而曰虞燕姁夢蘭則使稱天而與已未有不關於造化而能自遂於生成醮官某伏念功淺行微禍盈惡積放於利而多怨曠仁宅而弗居獲罪于天克艱厥後念胙之土而命氏傳自古初苟墜厥緒而覆宗誰尸伏臘恐一旦溘先於朝露則九原愧於先靈顧隻影以自憐僅如絲而不絕年高絳縣辱久矣於泥塗鬼哭若教將餒而於求食每惻惻而知懼常慄慄以祈天又虞冢訟之牽連欲丐洪恩而普度乃嚴淨宇祇薦嘉誠臣等職奉金科身參寶錄祈男禱嗣音每誦於監生仙化成人經獲聞於上品凡摠情素敢不上聞爰有心誠謹當宣奏

宣詞

諦詳詞語灼見忱誠臣聞不孝有三無後為大生道非一本出於虛擬天地而參諸身致中和而有萬物宜內循於一已庶有格於萬靈用薦苾芬將祈盼饗九重金格奉靈寶之秘言三級瑤壇延衆真於珠館八天雲篆安鎮九宮兩極星燈光連五斗瀝陳丹悃拜伏朱章庶憑衆妙之功用格多男之慶以今臨午行道請法眾等運茲初捨上香願此香雲騰空上徹供養

十方無上道寶天尊臣等皈身皈神皈命首體投地以是捨香功德上祝當今皇帝陛下伏願璇璣調理龜鼎燕寧絕災異而不書滌妖氛而永息龍樓鶴禁繼照重明甲觀畫堂含飴增慶百子協齡斯之詠六宮歌棊茲之詩俾萬物各得其宜無一夫或失其所今故燒香自歸依道尊大聖眾至真之德得道之後保天長存和與道合真

願此香雲騰空上徹供養十方無上經寶天尊臣等皈身皈神皈命首體投地以是捨香功德歸流某家九世七先億曾萬祖伏願天慈赦宥道氣發舒拔苦除愆和寬釋對告下九幽泉曲之府速登朱陵流火之庭受鍊生方道遙仙界絕惡根而斷滅俾胎注以彌除庶無天橫之災永保綿長之慶今故燒香自歸依經尊大聖眾至真之德得道之後永天長存和與道合真

以今臨午行道請法衆等運茲三檢上香
願此香雲騰空上徹供養

十方無上師寶天尊巨等皈身皈神皈命首
體投地以是檢香功德歸流其壽德齊明魂
神澄正結天地氤氳之氣流注百關稟陰陽
挺填之功冥符八景育嬰瑞就寢息無驚錫
其肯獲之人流以有餘之慶桑弧蓬矢將有
事於四方燕領虎頭或封侯於萬里思靈九
有澤及含生今故燒香自歸依

師尊大聖眾至真之德得道之後永保利亨
和與道合真

唱方 懺方 命魔 三啓 三禮
重稱法位

具位巨某等謹重誠上啓

金闕虛無三寶天尊昊天至尊玉皇上帝句
陳星官天皇大帝中天星主紫微大帝承天
效法后土皇地祇神霄真王長生大帝諸天
天尊諸天大帝三界應感一切真靈臣聞茫
茫九有形質既分蠢蠢含生陶鑄莫測雖世
間有有無有皆暗昧於始終而一氣生生之

生實全繫於水火苟賦形於宇內總托化於
仙鄉唯南斗之六虛乃太微之都糾領天樞天
機之二首有司命司錄之尊神延壽益算則度
厄於長生大君起死迴骸則主錄於韓君司馬
威彰品物號南昌之上官濟拔三塗置朱陵

之火府儻超離於陰境先沐浴於天池聞八
天隱語之音接三洞飛玄之氣玉眸鍊質黃
華蕩形再返人寰各正性命然念世人罪福
盡達天司丹筆善分列爲等級姓類既別毫
髮無私行齊八百者即證果以登真刑屬三

千者乃計功而補過三官鼓筆常料別於種
人萬聖督仙實無間於晝夜皆有條而不紊
故善應以無方唯此丹天功高紫極凡繫道
陰注上生名皆逆推三世之業因以計定一
生之祿算玉曆考誕彌之月慶雲開化育之

門俾全受鍊之魂即注更生之所或寄胞於
貧寒之所或賦形於積善之家考算毫分搜
羅人品千生父母有夙世之良因萬劫子孫
亦三緣之和會共業所感聚爲一家然後九
炁齊昇二儀同化帝君品命聖母履綱道與

之貌而天與之形陽爲之魂而陰爲之魄四
肢五體各整具於形神六甲三元悉扶承於
胎命又千和而萬合至十月以九周惟九天
司馬不下於命章則萬品生根莫彰於神與
大矣哉驚天駭地貴亦難勝陶魄鑄魂神靈

微妙齋官其爰念日暮途遠嗣緒世微恥門
戶之彫零究生源之本始載嚴淨宇遵企上
真庶通彌潔之誠以格蕃昌之裔伏願九天
聖母淨駕雲輶八方胎神各領官屬流布至
真之氣灌既胞命之門胎元結於黃房祥烟

塞於死戶時費月吉擁三界以齊臨形具神
全保萬靈而稱慶允獲自天之祐旁依錫類
之仁乃子乃孫肯堂肯構上明
天尊大慈之澤下副臣等皈命之誠謹啓以
聞

十二願 復爐

香官使者左右龍虎君侍香諸靈官當令臣
向來臨午行道之所自然生金液丹碧芝英
百靈眾真交會在此香火爐前當願忱誠上

達齊澤旁流教已往之愆尤開自新之軌路
九玄七祖釋注訟以昇形六甲三元保胎真
而固本庶獲寧馨之子率歸仁壽之鄉次願
十方仙童玉女接侍蘭烟傳日向來所啓之
誠速達徑御

太上無極大道

昊天玉皇上帝御前

出堂頌 出戶

道門科範大全集卷之二十七

道門科範大全集卷之二十八

祈嗣大醮儀

晚朝行道

法事陞壇如式

各禮師存念如法

宣衛靈呪

五星高耀 瑞氣飛浮 元始集神 天地交周

玉符寶節 嘯命微幽 擲火揚威 奸凶無留

萬魔振伏 紛葩却消 摧怪滅惡 道炁周流

神光照夜 陰翳俱收 萬神降格 扇景東威

羣生咸遂 惠遍神州 與道合真

鳴法鼓二十四通

無上三天玄元始三炁太上道君太上老君

召出巨身中三五功曹左右官使者左右捧

香驪龍騎吏侍香金童傳言散花玉女五帝

直符直日香官各三十六人出出者嚴裝顯

服冠帶垂纓闔啓玄壇土地方域神真巨今

靜夜行道謹奏為入意其諸忱悃已錄告聞

願得 太上十方至真道炁靈寶瑞光下降流入

身中令巨所啓速達徑御

至真無極大道

昊天玉皇上帝御前

請稱法位

具位 某與臨壇官眾謹同誠上啓

虛无自然元始天尊玉晨大道靈寶天尊萬

天教主道德天尊昊天至尊玉皇上帝尙陳

星宮天皇大帝中天星主紫微北極大帝承

天效法后土皇地祇神霄真王長生大帝東

極注生青華大帝九天應元雷聲普化天尊

九天雷祖大帝上清紫微碧玉宮太一天

帝六天洞淵大帝六波天主帝君九天好生

可韓司丈人天尊九天採訪應元保運真君

九天上帝三十二天上帝五老上帝東華木

公道君西靈金母元君日宮太陽帝君月府

太陰皇君五方五德星君二十八宿星君北

斗七元上帝真君南斗六司上生真君五福

十神太一真君上清四餘四曜星君天曹諸

司真君三元三官大帝泰玄樞機三省諸相

天君玄中大法師真君三天大法師真君北